

آبونه شرايطی

ممالك عثمانیه ده سنه لکی (۶۵) ،
آلتی آیلغی (۳۵) غروشدور .
ممالك اجنبیه ده سنه لکی (۸۰) ،
آلتی آیلغی (۴۵) غروشدور .

اداره ضاره

باب عالی جاده سنده دائره مخصوصه

اضطارات

آبونه بدلی پشیندر

مسلكه موافق آثار مع الممنونیه
قبول اولتور . درج ایدله یین
یازیلر اعاده اولونماز .

مصدق

۱۳۳۴

اضطارات

رساله مزدن آلتدیفی کوسترلك
شرطيله بتون یازیلر هر هانگی بر
غزته طرفندن اقتباس اولونه یلیر .

مکتوبلرک ، امضالری واضح
واوقوناقلی اولسی و آبونه صره
نومبر و سنی محتوی بولغسی لازمدر .

ممالك اجنبیه ایچون آبونه اولانلرک
آدرس لرینک فرانسزجه ده یازلسی
رجا اولتور .

پاره کوندردلکی زمان نهیه دائر
اولدیغنک واضحاً یلدرلسی رجا
اولتور .

بونلردن برینه قالقوبده : « آمریقادہ کی جهوریتلردن بر قسمی اسپرتولی ایچکیلرک صاتیلمسینی و قوللانیمسینی منع ایدن قوانین وضع ایتش . . . ديسه کز ، هیچ شهبه یوقدرکه حقکزدہ کی مطالعہ سی » جاهل بویا ! بیلیر بیلیمز سویلیور . . حکمندن باشقه برشی اوله ماز . شاید بونان ایکی سنه اول دیمش اولسه دیکز که : « یز کون کله جک ، اوروبایلر ایچکیلرک ایقاع ایلنکده اولدینی قنالقوری آکلایه رق پارس ، لوندره کی بویوک مرکز لرده مسکراتک صورت قطعیه ده منعی ایچون ، یاخود ، هیچ اولمازسه تحدیدی ایچون قونغرملر عقد اولونه حق در . » طبیعی درکه « بو آدم رؤیا کوریور ، یاخود صایقلا یور . » دیرلردی . لکن بو محاربه کبری کلدی ، بزه عبرت و انتباهی موجب بر چوق حادثه لر ، حکمتلر کوستردی .

بو کون فرانسه ، انگلتره ، روسیه ، ایتالیا مطبوعاتی کوزدن کچیره جک اولسه کز مسکرات استعمالنه قارشى تدابیر شدیدہ اتخاذ اولمדיنی تقدیرده مملکتک باشنه پک وخیم فلاکتلر کله چکنی دلائیلہ سرد ایدن مقالاتدن همان هیچ برینی خالی کورمزسکیز . زیرا او مملکتده کی عملہ قسمی ایله محاربه ده بولونان عسکرلرینک ، کذلک رجال سیاستدن بعضیسنک کرک بنه لری ، کرک دماغ و عزملری اوزرنده اسپرتولی ایچکیلرک اولیه الیم تاثیرلری کورولمش که مملکتک استقبالیه علاقه دار اولان و نصرت و ظفرک کندی طرفلرینه کچمسنه چالیشان ققارلر بو بایده بر چاره دوشونمک ضرورتی تمامیه حس ایتشلر . دیگر مملکتلردن بر قسمی ده بونلره اتباع ایلش . لکن بو صوکر اکیلرک طوتدقاری یولده آتدقاری خطوه لردها مهم کورولیور . تایمس غزته سنک صوک نسیخه لرندن برنده قنادا حکومتک بو مقصد اوغورنده بویوک بر مسافه قطع ایلدیکنی کوردک .

ذاتاً قنادا حکومتی سنه لردن بری مسکراتک منعی ، یاخود تحدید استعمالی لزومی حس ایتشده . محاربه حاضرہ ، الحاحات ضروریہ سنندن اولان مطالب و تکالیفی ایله برابر ظهور ایدیورنجه کرک اهالی ، کرک حکومت بو بایده مؤثر و عاجل بر طنائم تدابیر اتخاذ اولونمسنده کی ضرورتی درحال کوردیلر . اولاً مبعوثلردن بری مجلسه میخانه لرک قاپادیلشی و مسکرات تداولنک منعی طلبنی حاوی بر تقریر ویردی . بو تقریر مجلسده اکثریت قازانه مایجه حکومت رخصت تذکره لرینک مدتی منقضی اولان مسکرات تاجرلرینه یکیدن رخصت ویریله منعی ایچون درحال بلدیہ مجلسلرینه تبلیغاتده بولوندی . بلدیہ لر حکومتک شو امرینی همان انفاذه باشلا یه رق میخانه لردن بر جوغنی قاپاتدی . مع مافیہ نه قدر آز بیلہ اولسه قاپادیلایوب قالانلری حکومتک مسکرات یوزندن میدان آلان مضرتلری ، فسادلری . کوکندن قازیمقدن عبارت اولان مقصدنی اشکال ایتیه کافی در .

ونکله برابر ملتک ایچکیلر علمینده کی حس حکومتک حسنندن آشاغنی قالمایور . نته کیم « اونتریو » ده آتمش بش بیک کشیلک بر جماعت سوقاق سوقاق طولاشه رق عشرت علمینده نمایشلر یا پمشلر ، نهایت حکومت قوناغنک اوکنه کله رک مسکراتک منعی ایچون بر قانون

قادیلرک جاهل و تربیه صحیحہ ایله تکاملدن ، آداب اسلامیہ ایله تریندن محروم قالمیری دکلمی در ؟ بوسائق ، مدنی ، عسکری ، علمی ، اجتماعی بوتون تشبثلرک سعی فردی ایله تأمین قابل اولیان عظیم سرمایہ لره متوقف اولدینی بویله بر زمانده مسلمانلرک شرکترلر وجوده کتیرمکدن ، مؤسسات مالیه تأسیس ایلکدن امتناع ایله مساعی فردیه اوزرینه صاپلانوب قالمیری دکلی در ؟ بوسائق ، تاریخدن اک اسکی اجدادمزک آثارینه ، اک بویوک امرا و خلفامزک فتوحاتنه عائد وقایعه قارشى تمامیه جاهل اولمقلمز دکلی در ؟ بر درجه ده که کنجلمز ناپولیونک تاریخی ، فرانسه اختلاللرینی ، ایتالیانک ناصیل ظهوره کلدیکنی بر تفصیل بیلدکاری حالده رسول اکرمک سیر جلیله سنندن برشی صورته حق اولسه کز ، یاخود عبدالرحمن غافقی ، سلمان فارسی ، طارق بن زیاد ، یوسف بن تاشقین ، عمر بن عبدالعزیز ، فاتح سلطان محمد ، سلطان سلیم اول ، سلطان محمد اکبر کی اسلامک ارکانی تشکیل ایدن اعظمه عائد معلومات ایستسه کز یا اکلہ نیورسکیز ظن ایدر ، یاخود آفریقا چوللرینک اورتہ سنندن کیش ، جاهل ، مجهول بر حالده یا شایوب کیتمش زنجیلردن بحث ایدیورسکیز فکرینه ذاهب اولور . اوت ، عالم اسلامی بو آحیقلی حاله کتیرن عوامل ، بوسایدیمز اسباب ایله بوقینلدن اولان شیلردر . ایسته بوسیلردرکه بر مسلمان بابایه اولادینی دینندن ، حسیات وطنیه سنندن جدا دوشوره جک ، کندیسنی دیگر افراد مسلمینه باغلایان رابطه لردن ابدیاً آیره حق بر مؤسسه یه آتدیریور . ایسته بوسیلردرکه ائتلاف حکومتلرینی مسلمانلرک اوزرنده حاکم ، مملکتلرنده بیلدکاری کی متحکم بر حالده بولوندیریور .

بو خسته لقلره قارشى نه کی تدابیرده بولونوماق لازم کله چکی ، عالم اسلامک اسکی شبابه عودت ایدہ بیلیمسی ایچون بومهلک جرثومه لردن ناصیل تطهیر ایدیله بیله چکنی ده بوندن صوکر اکی مقاله . لرمزده ایضاح ایدہ چکیز .

عبدالمزیز چاویش

محاربه حاضرہ و ایچکیلر

رفیق محترم « العالم الاسلامی » جریده سنندن :

اوروبایلر ایچکیلرک درلودرلوسنی قوللانمقده پک ایلری کیتمشلر ، ومع التأسف شرقک اسلام ایله مسکون قطعاتنه ده بو عادتلرینی سرایت ایتدیرمشلردی . بر حالده که اسپرتولی مشروباتک منعنه عائد بر کله سویلک ، یاخود بو ابتلادن واز کچیرمک ایچون نصیحتہ قالقیشمق اک منفور معایب صرمنه کچمشدی . کرک علوم طیبہ متخصصلری ، کرک حفظ صحت عالمیری شیمدی یه قدر سرخوشاق ویرن روحلرک هر درلوسنک مضراتنه دائر نامتناهی یازیلر یازمش ، بر چوق فنی دلیللر ، هانلر ایراد ایدرک مدعالرینی جرحی قابل اولیه حق صورتده اثبات ایتمشلر سه ده یازیلر اولسون که غربی کور کورینه تقلید ایتک ، اوروبایلرہ عائد هر شیتی صرف اوروپادن کلمسنه حرمة آلیورمک ابتلاسی اقوام اسلامیہ نک ذهندنه اولیه بر ایتش که اک خیر خواهانه ارشاد ایچون بو غافل قلبلره نفوذ ایتک امکائی بولنه میور .



بایکامین حقیدہ حضرت قدیم ایتھلر۔ قنادانی تشکیل ایدن مملکتلردن
چوچی ده بولایک اترینه تبعیت ایتش . «تورنتو» حکومتی ایسه
ایدرک تکرر ساعده ویزیلیسی مسئلهسک مذاکره سنی صلحک
ایسه

تایس بخاریک مکتوبلردن آکلاشلدیغه کوره سنه حاضره
ختمه ایرمزدن اول قنادانت برولایق استننا ایدلیدی حالده هرطرفده
مسکراتک منعی مسئلهسی تحت قراره آله جقدر . مع مافیہ اوتک
ولایتک برچوق ملحقاندهده ایجکیر علیهنده مهم جریانلر موجوددر .
آرتیق دینلردن اعراض ایدن ، احکام قرآنه قارشى مبالانمز
طاورانان مسلمانلر بوندن اولسون عبرت آلمیدرلر .

بیاننامه حضرت مشیختیناهی

«ایحسب الانسان الخ» آیت کریمه سی منطق منیفجه انسان بهایم
کبی باشی بوش اوله رق ترک ایدلش دکلد . انسانک طرف باریدن
احسن تقویم اوزره یارادلش وصفات کالیله الهیه مظهریتی حسیلله
امانت کبرای سبحانییه حائز بولمش بقای شخص ونوعیسک تأمین
حکمتنه منی بو بایده اقتضا ایدن اسباب ماده ومعنویه نک کندیسنه
احضار ایدلش بولمش وبتون کلیات وجزئیاتک ادراکته وانواع
صنایع واختراعاتک انکشاف و انجلاسنه محل اولسی و بوسایده هر
عصرده اوعصرک مقتضیاتنه کوره بجه آثار علمیه ومدنییه وجوده
کتورمه موفوق بیورلمسی کی عد واحصادن خارج نعم جلیله الهیه
مظهریتدن طولانی مجرد بولمترلره قارشى لاشی حکمنده اولان بر
مقابله شکرانییه اولق اوزره برچوق وظائف عبودیه واحکام دینه ایله
مکلف اولمشدر . شو مقابله شکرانییه «لاشی» حکمنی ویریشمز
موافق نفس الامردر . زیرا جناب فاطر کائناتک بنی بشره احسان
بیوردینی نعم جلیله نک وحییه شکرانی ادایه اساساً امکان یوقدر . چونکه
حقه قارشوا یا ایدیلجه حک وظیفه عبودیت بر کره حقک عبادینه احسان
بیوردینی قوت وقدرت سایه سندهدر . اکر اوقوت وقدرت اولسه
انسانک هیچ بر وظیفه یی ایفا ایدمه چکی بیاندن مستغنیدر . برده
انسانلرک خالق ذیشانه ورب ذوالجلالنه قارشو وظائف عبودیتی ایفایه
مسارعتلری ینه کندیلرینک خیر وسعادتلرینه عائددر . جناب واجب
الوجود هرشیدن مستغنیدر . عبادات وطاعاتک مکافاتی ، مفاصینک مجازاتی
هپ عباده راجعدر . شو حالده جناب رب کریمک عبادینه احسان
بیورمش اولدینی نعمترلره قارشى ادای شکران مقصدیه عباد
طرفدن ایفا اوله حق عبادات و طاعات ضعفایه مرحمت ، مخلوقات
الهییه شفقت و هر خصوصده حقانیت و عندالته رعایت کبی مکارم
اخلاقه تزین ذات وصفات ایتسنه سبب مستقل تشکیل ایتدیکنندن
عبادک ایفا ایتدیکی بتون عبادات وطاعاتک منافی کندیسنه ونی نوعنه
عائد اوله جفنده ترده محل یوقدر . بناء علیه دین مبین اسلامک احکام
عالیه سنه توفیق حرکتله اخروی ودنیوی ، صوری ومعنوی اکتساب

سعادته غیرت بالعموم مسلمانلرک منافی ایجابندندر .

دین مبین اسلامک احکام عالیه سنه توفیق حرکتله اخروی ودنیوی
اکتساب سعادته غیرت بالعموم مسلمانلر ایچون وجاهدندر . عنی الخصوص
خلافت مجله اسلامیه ودولت معظمه عثمانیه نک تعالی دین ودولت
ومحافظه حیات ملت ایچون اعلان جهاد وهر حال وحرکاتنه عنایت جلیله
صمدانییه استناد ایتدیکی وله الحمد والله مجاهدین اسلامیه وعسا کر عثمانیه نک
غزاساحه لرده نیجه توفیقات سبحانییه مظهر اولدینی دوشونیلنجه
وظیفه عبودیتک نه درجه کسب اهمیت ایدلیدی کالیله تظاهر اید . چکی
شه سزدر . شو حالده منعم حقیقی ومحسن ازلیک الطاف جلیله الهیه سنه
قارشى قلب زدن و دینلردن شکر و تحمیدی بر لحظه آیرماق وهر خصوصده
رضای باریسی استحصاله چالشمق وظیفه مزک یک مقدس اقسامی
تشکیل ایدلیدی آزاده بیاندر . الطاف وعناایتنه پایان اولمیان حضرت
خداوند رحیم طاعات ایله مأثوف قوللریه وسع ویریری قرآن کریمده
تبشیر بیورمقدردر . وادی معصیتنه بیان اولانلرک حاللری ایسه دنیا
و آخرتده یک وخیم والیدر .

غفران الهی ایله مبشر بولان شهر صیامی تجلیساز اوله جنی معالیاتدن
بحق حصه مند اوله حق صورتده اسراره غیرت بالعموم مؤمنین ومؤمناتک
سعادت ذاتیه لری مقتضیاتندندر . اعلاى شان اسلام ایچون قانلری
ایثاره آماده بولان و بیك درلو مشاق سفریه کوکس کرن سوکیلی
عسکر مزک آنجق فریضه جهادی ایفاذه عجز طریانی خوفیله بعده قضا
ایتمک شرطیله عانی اولمیدر . قافطار ایللری جائز اولدیغه نظر آ اهلینک
فریضه صومی اداده قطعاً قصور ایتاملری لازمدر . تصور علویته
امکان اولمیان صلاتک وقت وزمانیله داسنده کی وجوب قطعی ایسه درکاردر .
مکارم اخلاقی تتم ایچون بعث بیوریلان فخر کائنات علیه ا کمل التهیات
افدمنر حضرت تلرینک امت پاکیزه سی هر برده وهر زمانده محاسن اخلاق
انمودجی اولق کرکدر . زهد وصلاح اسلامیتک لازم غیر مفارقیدر .
نسوان اسلام عفت وعصمتک ذی حیات تمثالیدر . تسترده کی حکمت و قیمت
یک بالاتریندر . مخدرات اسلامیه بو حکمت علویه نک ایجاباتنه رعایتده
ذره قدر قصور ایتاملیدر . استقبال مملکتک مهد حیاتی آنلرک دست
فضیلتنه مودوعدر . ملتک شوکت وعظمتلری تأمین خصوصنده
حسیات دینه وفضائل اخلاقیه نک تأثیری یک مهمدر . دینمک علویق ،
ملتیمک محباتی سرمدی سعادتلریمزدر . شعار دینه مزه تمامیله رعایت
وفضائل ملیه مزى حقیه ابراز غیزت معنا و ماده تعالی وترقیممک
متین اساسلریدر . هر زمان اوامر الهیه مطاوعت ونواهی صمدانییه دن
محابت ایللری مقتضی بولان مؤمنین ومؤمناتک رمضان مغفرت نشانده
صوم و صلات کی فرائض مجله یی حسن ادایه صوک درجه اهتمام ایله وعد
جلیل صمدانییه احراز لیاقت و ملتیمک موقع بلند اخلاقیسی هرکس
نظرنده اثباته بذل مقدرت ایللری شریعت غرای اسلامیه نامنه توصیه اولنور .

کاغد تدارک ایدیلمه مسندن طولانی برمدتن بری انتشاری تأخر
ایدن سبیل الرشاد ، قارئین کرامک توالی ایدجه حکمتلریله ، ان شالله
بعدها منتظماً نشر اوله جقدر .